

78 » hic diligentia, hic iuge exercitium. Cum, orate: hic eleuatio mentis in deum, hic gra-  
 » tia à deo expetenda. Et subdit Marcus parabolam de homine, qui peregre proficiscis-  
 » tur, dicens. ¶ Sicut homo, qui peregre profectus, reliquit domum suam: & dedit ser-  
 » uis suis potestatem cuiusque operis, & ianitori præcepit ut uigilet. Vigilate ergo: Nesci-  
 » tis enim quâdo dominus domus ueniat: sero, an media nocte, an gallicatu, an mane: Ne-  
 » cū uenit repente, inueniat uos dormientes. Quod aut uobis dico, omnibus dico: ui-  
 » gilate. ¶ Hanc nō uidetur tetigisse parabolam Matthæus: quanquam de sollicitudine  
 uigilandi admonuit cap. uigesimo quarto, numero 234. Homo qui peregre profe-  
 ctus est, CHRISTVS, qui in cœlum abiit. Domus, quam præsentia corporali reliquit,  
 ecclesia. Serui eius, fideles quique, & maxime qui alijs præ sunt: quibus dedit potestatem  
 cuiusque operis: quia cuiusque distribuit dona ad proprium, secundum gradum suum,  
 opus peragendum. Sed nunquid etiam dedit potestatem ad mala? Minime: nam ad ma-  
 la opera non est potestas, sed impotentia. Ex domino ergo ista ad mala potestas, & ue-  
 rius impotentia non est, sed ex nobis. Ianitor, pastor, uicarius CHRISTI, qui osium est,  
 qui præest custodiæ ecclesiæ. Mādat illi præ cæteris uigilare: quia eius officium est in-  
 tendere præcipue, ut quisque in ecclesia manens, suum opus, & bonum quidem opus,  
 cuius potestatem habet, ac donum, peragat: ne fur fores infringat, ne seruos domini sui  
 à bono inturbet, ne cruentus lupo in ouile CHRISTI irrumpat. Attamen sic des-  
 bet uigilare, ut & seruos omnes cogat uigilare. Vigilare, est fidei, spei, plenissimaque  
 in CHRISTO fiducia, charitati, bonisque operibus accurate intendere. Dormire, est il-  
 la omittere, aut ad uitia plabi. Aduertur domini particularis, dies mortis cuiusque. Nox,  
 totum tempus mortalis uitæ. Serum, pueritia. Media nox, tempus mediæ uitæ, ipsaque  
 iuuenta. Gallicatus, senectus. Mane, uitæ exitus. Nam ut serum, initium noctis: sic pue-  
 ritia initium mortalis uitæ, & ut mane exitus noctis, & initium lucis: sic exitus uitæ, prin-  
 cipium diei æternitatis, inter quæ aliæ intermediæ ætates currunt. Et hac parabola, qua  
 benignissimus dominus alloquebatur apostolos, omnes suos ad finem usque mundi al-  
 loquit fideles. Proinde dicit: Quod uobis dico, omnibus dico: uigilate. Ergo det no-  
 bis illa infinita bonitas, de nobis infinities plusquam nos ipsi, sollicita: sic cuiusque opus su-  
 um, ad quod in hoc mundo positus est, peragere: sic accurate, sic attente uigilare, ut à  
 domino gloriæ, quacumque hora uenerit, audire quisque possit: Euge serue bone & fide-  
 lis, quia super pauca fuisti fidelis, supra multa te constituam, intra in gaudium domini  
 tui, cum quo esse maximum gaudium est, quem nosse uita æterna est, quem laudare  
 gloria immensa. Ipsi ergo soli deo immortalis, incomprehensibili, inuisibili, patri & filio,  
 & spiritui sancto gloria, honor, & uirtus, & nunc & per infinita seculorum secula. Amē.

## CAPVT DECIMUM QVARTVM

79



Rat autem pascha, & azyma post biduum, & quærebant  
 summi sacerdotes & Scribæ, quomodo eum dolo tene-  
 rent & occiderent. Dicebat autem: Non in die festo, ne  
 forte tumultus fieret in populo. Et cum esset Bethania in  
 domo Simonis Leprosi, & recuberet, uenit mulier habens  
 alabastrum unguenti nardi pisticæ preciosi: & fracto alabastro effudit super  
 caput eius. Erant autem quidam indigne ferentes intra semetipsos, & dicentes:  
 Vt quid perditio ista unguenti facta est? Poterat enim unguentum istud uenun-  
 dari plusquam trecetis denariis, & dari pauperibus. Et fremebant in eam. IESVS  
 autem dixit: Sinite eam, Quid illi molesti estis? Bonum opus operata est  
 in me.

in me. Semper enim pauperes habetis uobiscū, & cum uolueritis, potestis  
 illis benefacere: me aut non semper habebitis. Quod habuit, hæc fecit: præ  
 uenit ungere corpus meum in sepulturam. Amen dico uobis, ubicunq; præ  
 dicatum fuerit euangelium istud in uniuerso mundo, & quod fecit hæc, nar  
 15 ratur in memoriã eius. ¶ Et Iudas Scariothis unus de duodecim abiit ad 80  
 summos sacerdotes, ut proderet eum illis. Qui audiētes, gauisi sunt, & pro  
 miserūt ei pecuniam se daturus. Et quærebat quomodo illū opportune tra  
 deret. ¶ Et primo die azymorū, quando pascha immolabāt, dicunt ei disci  
 20 puli: Quō uis eamus, & paremus tibi ut manduces pascha? Et mittit duos 81  
 ex discipulis suis, & dicit eis: Ite in ciuitatē, & occurret uobis homo lagenā  
 aquæ baiulās. Sequimini eū: & quocūq; introirerit, dicite domino domus,  
 quia magister dicit: Vbi est refectio mea, ubi pascha cū discipulis meis man  
 ducem? Et ipse uobis demonstrabit cœnaculum grande stratum, & illic pa  
 25 rate nobis. Et abierunt discipuli eius, & uenerunt in ciuitatem, & inuenerūt 82  
 sicut dixerat illis, & parauerunt pascha. ¶ Vespere autem facto, uenit cum  
 duodecim. Et discumbētibus eis & manducantibus, ait IESVS: Amē dico  
 uobis, quia unus ex uobis tradet me, qui manducat mecum. At illi cœperūt  
 cōtristari, & dicere ei singulatim: Nunquid ego? Qui ait illis: Vnus ex duo  
 30 dit sicut scriptum est de eo: uæ autem homini illi per quem filius hominis  
 tradetur: bonum erat ei, si non esset natus homo ille. ¶ Et manducantibus 83  
 illis, accepit IESVS panem: & benedicens, fregit, & dedit eis, & ait illis:  
 Sumite, Hoc est corpus meum. Et accepto calice, gratias agens, dedit eis.  
 Et biberunt ex illo omnes. Et ait illis: Hic est sanguis meus noui testamen  
 35 ti, qui pro multis effundetur. Amen dico uobis, quia iam non bibam de  
 genimine uitis, usque in diem illum, cum illud bibam nouum in regno dei.  
 Et hymno dicto, exierunt in montem oliuarum. Et ait eis IESVS: Omnes  
 scādalizabimini in me in nocte ista: quia scriptum est: Percutiam pastorē,  
 & dispergētur oues. Sed postquā surrexero, præcedam uos in Galilæam.  
 40 ¶ Petrus autem ait illi: Et si omnes scandalizati fuerint, sed non ego. Et ait 84  
 illi IESVS: Amen dico tibi, quia tu hodie in nocte hac, priusquam gallus  
 uocem bis dederit, ter me es negaturus. At ille amplius loquebatur: Et si  
 oportuerit me simul commori tibi, non te negabo. Similiter autē & omnes  
 dicebant. Et ueniunt in prædium, cui nomen Gethsemani. Et ait discipulis  
 45 suis: Sedete hic donec orem. Et assumit Petrum & Iacobū & Ioānem secū,  
 & cœpit pauere & tædere. Et ait illis: Tristis est anima mea usq; ad mortē.  
 Sustinete hic & uigilate. Et cum processisset paululum, procidit super ter  
 ram: & orabat, ut si fieri posset, transfiret ab eo hora, & dixit: Abba pater, o  
 50 mnia tibi possibilis sunt, transfer calicem hunc à me. Sed non quod ego uo  
 lo, sed quod tu. Et uenit, & inuenit eos dormiētes. Et ait petro: Simon dor  
 mis? Non potuisti una hora uigilare? Vigilate & orate, ut nō intretis in ten

tationē. Spiritus quidem promptus est, caro uero infirma. Et iterum abiēs, orauit, eundem sermonem dicens. Et reuersus, denuo inuēnit eos dormientes (erant enim oculi eorum grauati) & ignorabant quid responderent ei. Et uenit tertio, & ait illis: Dormite iā, & requiescite. Sufficit. Vēnit hora, 55  
 ce filius hominis tradetur in manus peccatorum. Surgite, eamus: Ecce qui me tradet, pp̄e est. Et adhuc eo loquēte, uenit Iudas Scarioth unus de duodecim, & cum eo turba multa cum gladiis & lignis, missi à summis sacerdotibus & Scribis & senioribus. Dederat autē traditor eius signum eis, dicēs: Quencunq; osculatus fuero, ipse est, tenete eum, & ducite caute. Et cum uenisset, statim accedēs ad eum, ait: Aue rabbi. & osculatus est eum. At illi manus iniecerunt in IESVM, & tenuerunt eum. ¶ Unus autē quidā de circumstantibus educens gladium, percussit seruum summi sacerdotis, & amputauit illi auriculā. Et respondēs IESVS, ait illis: Tanquam ad latronē existis cum gladiis & lignis comprehendere me? Quotidie eram apud uos in tēplo 65  
 docēs, & non me tenuistis. Sed ut impleātur scripturā. Tunc discipuli eius relinquētes eum, omnes fugerunt. Adolescens autem quidam sequebatur eum, amictus sindone super nudo, & tenuerūt eum. At ille reiecta sindone, 86  
 nudus profugit ab eis. ¶ Et adduxerunt IESVM ad summum sacerdotem, & conuenerunt omnes sacerdotes & Scribæ & seniores. Petrus autem à longe secutus est eum usq; intrò in atriuū summi sacerdotis, & sedebat cum ministris ad ignem, & calefaciebat se. Summi uero sacerdotes, & omne concilium quærebāt aduersus IESVM testimoniū, ut eum morti traderēt: nec inueniebant. Multi autē testimonium falsum dicebant aduersus eum: & conuentientia testimonia non erant. Et quidam surgentes, falsum testimoniū fere 75  
 bant aduersus eum, dicentes: quoniam nos audiuius eum dicentem: Ego dissoluam templum hoc manufactum, & post triduum aliud non manufactum ædificabo. Et non erat conueniens testimonium illorum. Et exurgēs summus sacerdos in medium, interrogauit IESVM, dicēs: Non respondes quicquam ad ea quæ tibi obiiciūtur ab his? Ille autē tacebat, & nihil respon 80  
 dit. Rursū sūmus sacerdos interrogabat eū, & dixit ei: Tu es CHRISTVS filius dei benedicti? IESVS autē dixit illi: Ego sum, & uidebitis filium hominis sedētem à dextris uirtutis dei, & uenientem cum nubibus cœli. Summus autē sacerdos scindens uestimēta sua, ait: Quid adhuc desyderamus testes? Audistis blasphemiam. Quid uobis uidetur? ¶ Qui omnes cōdemna 85  
 uerunt eum esse reum mortis. Et cœperunt quidam cōspuere eum, & uelare faciē eius, & colaphis eum cædere, & dicere ei, prophetiza. & ministri alapis eum cædebant. ¶ Et cum esset Petrus in atrio deorsum, uenit una ex ancillis summi sacerdotis: & cum uidisset Petrum calefacientem se, aspiciēs illū, ait: Et tu cum IESV Nazareno eras. At ille negauit, dicēs: Neque scio, ne 90  
 que noui quid dicas. Et exiit foras ante atrium, & gallus cantauit. Rursus autem cum uidisset illum ancilla, cœpit dicere circumstantibus, quia hic ex illis est

illis est. At ille iterum negavit. Et post pusillum rursus qui astabant, dicebat Petro: Verè ex illis es: nam & Galilæus es. Ille autem cœpit anathematizare & iurare, quia nescio hominè istum quem dicitis. Et statim gallus iterum cantavit. Et recordatus est Petrus uerbi quod dixerat ei IESVS: Priusquam gallus cantet bis, ter me negabis. Et cœpit flere.

ANNOTATIONES BREVES LXX. CIRCA LITERAM CAP. XIII.

|    |                                  |    |                                          |    |                                                           |
|----|----------------------------------|----|------------------------------------------|----|-----------------------------------------------------------|
| 3  | in die festo<br>ἐν τῇ ἑορτῇ      | 22 | refectio — mea:<br>ὁ κατ'ἀλυσμα          | οὗ |                                                           |
|    | in festiuitate                   |    | diuerforium                              | 46 | pauere & tædere.<br>ἐκθαμβῆσαι ἢ ἀδημονεῖν                |
| 4  | fieret in populo<br>ἕσται τῷ λαῷ | 23 | cœnaculum<br>ἀνώγειον                    |    | expauescere & grauius angere.                             |
|    | fiat populi                      | 23 | stratum<br>* ἔτοιμον paratum: — &        | 47 | Sustinete<br>μείνατε                                      |
| 6  | spicati<br>πισικῆς               | 28 | Nunquid ego?<br>Ὁ ἄλλος, μή τι ἐγώ;      | 49 | non quod ego uolo,<br>sed quod<br>οὐ τί ἐγὼ θέλω, ἀλλὰ τί |
|    | pisticæ,<br>fidelis,<br>probatae | 28 | Qui<br>* ἀποκριθεὶς respondēs,           |    | nō quid ego uolo, sed<br>iam: (quid,                      |
| 7  | intra semetipsos<br>πρὸς ἑαυτοὺς | 29 | qui intingit<br>ὁ ἐμβαπθόμενος           | 55 | de cætero<br>ὁ λοιπὸν                                     |
|    | apud sese                        | 29 | anceps ad p̄sēs & im-                    | 56 | qui me tradet,<br>ὁ πρῶτος δειξόμενος                     |
| 8  | Vt quid<br>εἰς τί                | 31 | traderetur.<br>πρῶτος δότα               | 57 | Et * εὐθέως continuò                                      |
|    | Ad quid                          | 31 | præfens.<br>ἔκδητος                      | 57 | Iudas — Scarioth                                          |
| 8  | enim — unguentum                 | 29 | in catino. — Et                          | 58 | lignis, — missi                                           |
| 12 | habebitis.<br>ἔχετε              | 31 | traderetur.<br>πρῶτος δότα               | 59 | traditor eius<br>ὁ πρῶτος δειξόμενος                      |
|    | præfens.<br>& infra.             | 35 | effundetur.<br>ἐκχυνόμενον               | 59 | qui tradebat eum<br>σημεῖον                               |
| 14 | & quod<br>ἢ ὁ                    | 37 | hymno dicto,<br>ὑμνήσαντες               | 60 | ducite caute,<br>ἀπαγάγετε ἀσφαλῶς                        |
|    | & id quod<br>relatiuum.          | 38 | in me<br>— in nocte ista:                | 61 | abducite tuto,<br>abducite secure.                        |
| 15 | in memoriam<br>εἰς μνημόσυνον    | 42 | amplius loquebatur.<br>ἐκ περισσοῦ ἔλεγε | 61 | ait * αὐτῷ illi,<br>— Aue                                 |
|    | in monumentum                    | 42 | ex abūdanti dicebat.<br>ἐκ περισσοῦ      | 62 | rabbī * ῥαββί rabbī.                                      |
| 15 | eius.<br>αὐτοῦ                   | 42 | Etsi<br>μᾶλλον ἔαρ                       |    | In IESVM:<br>ἐπ' αὐτῷ                                     |
|    | foemininum.                      |    | Immo si                                  |    | in eum                                                    |
| 15 | Scariothis<br>ὁ ἰσκαριώτης       | 43 | me — simul                               | 62 | circumstantibus,<br>τῶν παρεσκηότων                       |
|    | Iscariotes                       | 44 | cui                                      |    | astantibus                                                |
| 16 | proderet<br>πρὸς ἄδω             |    |                                          |    |                                                           |
|    | traderet                         |    |                                          |    |                                                           |
| 18 | discipuli * αὐτοῦ sui.           |    |                                          |    |                                                           |
| 20 | lagenam<br>κεράμιον              |    |                                          |    |                                                           |

|    |                                                                            |    |                                                                          |    |                                                                    |
|----|----------------------------------------------------------------------------|----|--------------------------------------------------------------------------|----|--------------------------------------------------------------------|
|    | & infra.                                                                   | 74 | conuenientia                                                             | 90 | Nazarenò                                                           |
| 66 | Tunc καὶ &<br>- discipuli eius                                             |    | ἴσασα<br>æqua,                                                           | 90 | Nec scio, nec noui                                                 |
| 67 | Adolescens<br>νεανίσκος<br>diminutiuum.                                    |    | sufficientia,<br>bona                                                    | 91 | particulæ permutatæ.                                               |
| 68 | tenuerunt eum<br>* οἱ νεανίσκοι<br>adolescentuli.                          | 77 | post triduum<br>διὰ τριῶν ἡμερῶν<br>per triduum                          |    | ante atrium:<br>εἰς τὸ προαύλιον                                   |
| 70 | & conuenerunt<br>ἐσυνέχοντο<br>& conueniunt<br>* αὐτῷ ad eum               | 78 | Et non<br>Ὁ οὐδὲ * οὕτως<br>Et ne sic quidem                             | 94 | Galilæus es.<br>* ἢ ἡ λαλιὰ σου ὁμοιάζει<br>& loquela tua assimila |
| 70 | sacerdotes<br>οἱ ἀρχιερεῖς<br>summi sacerdotes                             | 80 | ad ea quæ tibi obijci<br>untur ab his:<br>τί οὐ τοῖσδε καταμαρτυροῦντες; | 94 | anathematizare (τυρ.<br>ἀναθεματίζεω<br>detestari                  |
| 71 | ministris - ad ignem,                                                      |    | Quid isti aduersum te<br>testantur?                                      | 95 | nescio<br>οὐκ οἶδα<br>non noui                                     |
| 72 | calefaciebat - se:<br>θερμαινόμενος<br>calefiebat<br>* πρὸς τὸ φῶς ad lucē | 82 | filius - dei                                                             | 95 | statim<br>ἐκ δευτέρου<br>secundo,                                  |
| 74 | Multi autem<br>ἄλλοι<br>enim                                               | 83 | uirtutis - dei                                                           |    | iterum                                                             |
|    |                                                                            | 84 | desyderamus<br>ἄξιον ἔχομεν<br>opus habemus                              | 97 | Et cœpit flere.<br>ἢ ἐπιβαλὼν ἑκλάσας<br>Et prorupit in fletum.    |

COMMENTARIUS IN CAPVT QVARTVM DECIMVM.



Odem die, id est tertio post sabbatum, qui Marti adscribitur, & ecclesiastico more feria tertia dicitur, è monte oliueti concessit dominus Bethaniam (hac enim illuc erat uia) ubi honorificam cum Simone leproso, & Lazaro, & quibusdã alijs amicis suis celebrauit cœnam, quæ nouissima fuit, quam cum illis amicis suis fecit. Sed & tunc principes sacerdotũ, cũ Scribis & Phariseis facto concilio decreuerant eum perdere: & iam ipsi quærebant quomodo eum dolo tenerent, & occiderent. Quod aperit Marcus, dicens. ¶ Erat autem pascha, & azyma post biduum, & quærebant summi sacerdotes & Scribæ quomodo eum dolo tenerent & occiderent. Dicebant autem: Non in die festo, ne forte tumultus fieret in populo. Et cum esset Bethaniæ in domo Simonis leprosi, & recumberet, uenit mulier habens alabastrum unguenti nardi pisticæ preciosi: & fracto alabastrum, effudit super caput eius. Erant autem quidam indigne ferentes intra semetipsos, & dicentes: Ut quid perditio ista unguenti facta est: Poterat enim unguentum istud uælundari plusquam trecetis denarijs, & dari pauperibus. Et fremebat in eã. IESVS autem dixit: Sinite eam: Quid illi molesti estis: Bonum opus operata est in me. Semper enim pauperes habetis uobiscũ, & cum uolueritis, potestis illis benefacere: me autem nõ semper habebitis. Quod habuit, hæc fecit: præuenit ungere corpus meum in sepulturam. Amẽ dico uobis, ubicunq; prædicatum fuerit euangelium istud in uniuerso mundo, & quod fecit hæc, narrabitur in memoriã eius. ¶ Cum ait, Erat autem pascha & azyma post biduũ: hoc incipiendo à postero die intelligit. Nã biduo post tertiam illã feriã, interceptis scilicet quarta quinta & sexta ferijs, erat pascha & azyma, id est esus agni paschalis, & panũ azymorũ, hoc est nõ fermentatorũ: in uespera scilicet, qua parasceue sabbati incipiebat, id est (diẽ à uespera more Hebræorũ incipiẽdo) incipiẽte sexta feria, & in

& in crepusculo exordij diei Veneris, quando & dominus pascha suam cum discipulis suis absoluit, ut in Matthæi uigesimo sexto cap. numero 245. uisum est. Vbi, sed paulo ante numero 239. & de dolo summorum pontificum, & pharisaorum inito consilio idem Matthæus meminit. Necnō de cœna domini in domo Simonis leprosi: nō tunc quidē leprosi, sed qui olim (nā gratia CHRISTI saluatoris, qui omnia saluat, eum sanauerat) talis fuerat: quando quidē qui adhuc tali foeditate laborabāt, ab aliorū & consuetudine & loco arcebantur, neq; cuiq; è mundis licebat cum huiusmodi cibum, potum ue sumere. Ergo prius leprosus fuerat: tunc autem nō erat, sed mūdus, & ipsis quoq; mundis mūdior: sic enim mūdi sunt, quos CHRISTI IESU summa mūdauit benignitas. De cœna (inquā) quæ à domino celebrata est cū huiusmodi Simone olim leproso, & (ex Ioanne) Lazaro olim mortuo multū foetido & corrupto, sed tūc rediuiuo, odoro, & incorrupto, & quibusdā alijs amicis suis, ministrante Martha, & ungente Maria sorore eius: tanquam mundo per ipsum mundato & sanato uiuificatoq; , à modo præsentiā corporali subtracta, & peregrinatione mortali finita, ualedicturo. Quid enim designat Simon, nisi ex se immūdum genus nostrum: Quid Lazarus, nisi ipsum idem mortuum, & grauissimis peccatis tabefactum atque corruptum: Quid CHRISTI in eos præcedens beneficium, nisi redemptionem omnium & à peccatis & à morte ipsa, qui ad gratiam eius uenerunt: Quid cœna illa, nisi quod uocat eosdem quos mundat ac suscitāt ad cœnam uitæ æternæ, ad cœlestes delicias, & gaudia paradisi interminā: Quid ministeriū Marthæ, nisi eorū qui hic in uita actiua sanctē uersati fuerint, cœlestium deliciarum participationē: Quid Mariæ sororis eius unguenti preciosi effusio, nisi redolentissimam contemplantium in cœlesti illa regia, ante deum cōuersionem: Quid indigne ferentes, nisi reprobos, quos etiam in line mundi felicitas, & gloria bonorum torquebunt: Quod aut mulier, quæ tulit alabastrum unguenti *νάριδος πιστικῆς πολυτελοῦς*, id est nardi pisticæ preciosi, Maria soror Marthæ & Lazari extiterit, extra omnem controuersiam est. Porro cum dominus dixit: Præuenit ungere corpus meum in sepulturam: insinuauit tempus sepulturæ suæ esse propinquum, ut reuera erat. Nam biduo exacto sexta feria citra initium noctis, id est principiū sequentis diei, sepultus est. Et cum subiunxit: Amen dico uobis, ubique prædicatum fuerit euangelium istud in uniuerso mundo, & quod fecit hæc, narrabitur in memoriam eius. hoc uoluit rependi gratiæ Mariæ sororis Marthæ, ut hæc unctio, qua ipsa dominū unguento perfudit, in toto mundo narretur in memoriam ipsius Mariæ. Quod & fit, ubicūque gentium hoc (à quocunq; id fiat) legitur euangelium (hoc enim uoluit deus in memoriam illius esse) etsi qui legunt, aut audiunt, aut de eo loquuntur, non intelligāt: hic enim est euangelij spiritus. Sed quid hoc nobis monstrat, nisi in illa summæ beatitudinis cœna, iustos in memoria esse æterna: & malorū indignationem eos lædere non posse: sicut scriptum est: In memoria æterna erit iustus, ab auditione mala non timebit. Et quomodo timerent, quos deus ipse defendit: Et hæc defensio & gratiæ repensio, contra indignationem eorum, qui in eā fremebāt, adiecta est: ut omnia & cœlestia & inferna ad gloriæ beatorū cumulum adijcere intelligantur. Sed quæ hic tangit Marcus, eadem habet Matthæus cap. uigesimo sexto, numeris 241. 242. Deinde adijcit Marcus de Iuda indignante, maxime ob unguenti effusionem: & subinde forsan ob Mariæ sororis Marthæ excusationem: & quia prædictum fuit à domino memoriam illius non esse intermorituram: id enim illius indignationē augere potuit, quando quidē malis iustorum gloria et dei acceptatio erunt in tormentū. De Iuda igitur sic subdit Marcus, dicens. ¶ Et Iudas Iscariotes unus de duodecim, abiit ad summos sacerdotes, ut proderet eum illis. Qui audientes, gauisi sunt, & promiserunt ei pecuniam se daturos. Et quærebat quomodo illum opportune traderet. ¶ Summi sacerdotes audientes Iudam uolentem prodere re-

*De maria sorore marthæ & lazari.*

*Psal. 112.*

86

gem gloriæ, gauisus sunt. Et quid hoc, nisi dæmoniorū principes, de indignatione, ira, inuidia, insaturabili cupiditate, furia damnatorū gaudere: et si ipsi simili miseria teneantur, id est indignatione perpetua, implacabili iracūdia, inuidia insanabili, & cæteris id genus, quibus nunquā emori uolentes perpetuò moriuntur pestibus. Sed de hoc Iudæa (qui uidetur quarta feria, id est die Mercurij fuisse) ad summos pontifices accessit, principē potestatis tenebrarū repræsentātes, cuius & ipsi uices gerebant, Matthæus cap. uigesimosexto, numero 243 expressit abūde. Nunc de symbolico pascha domini, prosequitur Marcus, dicens.

81 „ Et primo die azymorum, quando pascha immolabant, dicūt ei discipuli: Quō uis eamus & paremus tibi, ut manduces pascha? Et mittit duos ex discipulis, & dicit eis: Ite in ciuitatē, & occurret uobis homo lagenā aquæ baiulans: sequimini eum, & quocunq; introierit, dicite domino domus, quia magister dicit: Vbi est refectio mea, ubi pascha cū discipulis meis manducet: Et ipse uobis demonstrabit cœnaculū grāde, stratū: et illi e parate nobis. Et abierūt discipuli eius, & uenerunt in ciuitatem, & inuenerūt sicut dixerat illis, & parauerūt pascha.

¶ Quæ dicitur hic prima dies azymorū: Certè dies qua panes azymi in ea qua incipiebat uespera, comedebantur, & agnus paschalis immolabatur, mactabatur, parabatur que ut comedere nocte illa. Et hæc dies erat feria sexta, quæ & dicitur dies Veneris: qua incepta, pascha & azyma nocte comedebantur, sicut scriptum est Exodi cap. duodecimo: Septem diebus azyma comedetis. Et subditur: Dies prima erit sancta ac solennis: quod & insinuat euangelista cum ait: Primo die azymorum, quādo pascha immolabant.

¶ At dices, die Iouis interrogatus dominus à discipulis, ubi paratē pascha, misit eos in Hierusalem, quare dies azymorum etiam dies Iouis dicebatur. Vtrūque inuis inficias. Nam cœpta parasceue interrogatus est dominus, & misit discipulos, forte sollicitos ne ipse cœpta die azymorum minime recordaretur, aut certè tardius æquo, pascha necessario immolandum: ostendens illis providentiam nihil fugere posse: quod melius eis insinuauit cœpta iam uespera se solcite aduentibus, quā si citius: ipse em̄ erat ipsa prouidentia. Sed adijcies: si feria sexta fuit dies immolationis & comestionis paschæ: ergo debuit esse sancta & solēnis. Fuit profecto & supra omnes, quæ unquā fūere: et si Iudæi tantam celebritatē non agnouerunt. Nā sexta illa feria, & symbolicum, & uerum pascha celebratū est, & quod erat omniū ueritas. & ideo maxime sancta & solēnis fuit, in cuius cœlitis iudicta nocte dominus trāsijt ad inferos, & percussit primogenita malignarum potestatum: & in cunctis dijs Aegypti fecit iudiciū, ut in Exodo scriptum est.

Exod. 12. „ At dices, quomodo ergo Iudæi feria illa sexta pascha suam nō celebrarunt, sed id in sabbatū reiecerunt: Sunt qui ita opinentur: at nos longe aliter sentimus, ut in Ioanne cap. decimo octauo, annuente ac aspirante deo plenius dicaturi sumus. Nonnihil tamē de hac celebratione, & mystici & ueri paschæ, iam anno tauimus Matthæi capite uigesimosexto, numero 245. Et quando, quo uere tempore uenerit dominus māducare pascha in Hierusalem (nō enim alibi licebat) ait Marcus,

82 „ dicens. ¶ Vespere autem factō, uenit cum duodecim. Et discumbentibus eis & māducantibus, ait IESVS: Amen dico uobis, quia unus ex uobis tradet me, qui māducat mecum. At illi cœperunt cōtristari, & dicere ei singulatim: Nunquid ego? Qui ait illis: Vnus ex duodecim, qui intingit mecum manum in catino. Et filius quidem hominis uadit sicut scriptum est de eo: uæ autem homini illi per quem filius hominis tradetur: bonum erat ei, si non esset natus homo ille. ¶ Vespere autem factō, id est cœpta sexta feria, quæ Hebræorum more à uespera incipit, & finit in altera uespera: exclusa

Gene. 1. „ tamen altera uespera, sicut scriptum est: Et factum est uespere & mane, dies unus. Et eadem quæ hic dicuntur, prosecutus est Matthæus capite uigesimosexto, numero 246. Mox subdit Marcus, quomodo instituit dominus sacrificiū nouæ legis, dicens,

83 „ ¶ Et manducantibus illis, accepit IESVS panem, & benedicens fregit, & dedit eis, & ait illis

*Nota Chriſt̄ cœpta pasche post occasum dñi Iouis / edebat pascha.*

ait illis: Sumite: Hoc est corpus meum. Et accepto calice, gratias agens dedit eis. Et biberunt ex illo omnes. Et ait illis: Hic est sanguis meus noui testamenti, qui pro multis effundetur. Amen dico uobis, quia iam nō bibā de genimine uitis, usq; in diem illum, cum illud bibam nouum in regno dei. Et hymno dicto, exierunt in montem oliuarū.

Et ait eis IESVS: Omnes scandalizabimini in me in nocte ista, quia scriptum est: Percutiam pastorem, & dispergentur oues. Sed postquam resurrexero, precedam uos in Galilæam. ¶ Hoc sacrificium, noua cœna domini est. Et est monumentum perenne transitus domini. Quotienscunque enim (inquit apostolus) manducaueritis panē hunc, & calicem bibetis, mortem domini annunciabitis donec ueniat. Et hoc sacrificium, uerum pascha nostrum est (iterum dicente Paulo: Etenim pascha nostrum immolatus est CHRISTVS) aut ueri paschæ nostræ usque ad aduentum domini, mundiq; consummationem rememoratium: per quod omnes fideles ab opacitate tenebrarum, & potestate tyranni, qui regnat super omnes filios superbicæ, liberati sunt. Et ex Ioanne intelligitur dominus ante lauisse pedes discipulorum, quā eos omnium sacratissimi, augustissimi & summè uenerādi mysterij fecerit participes: per quod insinuauit, nos mundos esse oportere, tam interius quā exterius, si digne ad hoc mysterium accessuri sumus. Ad quod omnes apostoli digne accessere, excepto Iuda, qui intrinsicus scelerata conscientia, dei etiam testimonio, immundus erat. Et nihilominus ausus est sanctum panem manducare, & sanctum, quem traditurus erat, sanguinem bibere. Et biberunt (inquit) ex eo omnes. Et hoc insuper indicium est, dominū omnes uoluisse lauare intus foris'que, id est in anima & in corpore, tam à mortiferis quā à leuibus noxis, & pro omnibus tam mundis quā immundis, tam pijs quā impijs, tam sanctis quā sceleratis suum corpus & suum sanguinē tradidisse: ut qui omnes, quatenus ad se suamq; summam benignitatem pertineret, uellet fieri æternæ salutis participes, & in seipso uitæ nūquam desitutæ omnimodum inuenire subsidiū.

Et quæ hic tractatur, similia sunt ijs, quæ Matthæus habet cap. uigesimo sexto, numeris 247. & duobus sequētib;.

Mox subiungit Marcus de contradictione Petri uerbis domini, dicens. ¶ Petrus autem ait illi: Et si omnes scandalizati fuerint, sed non ego. Et ait illi IESVS: Amen dico tibi, quia tu hodie in nocte hac priusquā gallus uocem bis dederit, ter me es negaturus. At ille amplius loquebatur: Et si oportuerit me simul commori tibi, nō te negabo. Similiter autem & omnes dicebant. Et ueniunt in prædium, cui nomen Gethsemani, & ait discipulis suis: Sedete hic donec orem. Et assumit Petrum & Iacobum & Ioannē secū, & cœpit pauere & tædere. Et ait illis: Tristis est anima mea usque ad mortē. Sustinete hic & uigilate. Et cum processisset paululū, procidit super terram, & orabat ut si fieri posset, trāsiret ab eo hora, & dixit: Abba pater, omnia tibi possibilis sunt, transfer calicē hunc à me: sed non quod ego uolo, sed quod tu. Et uenit, & inuenit eos dormientes. Et ait Petro: Simon dormis? Nō potuisti una hora uigilare? Vigilate & orate, ut non intretis in tentationē. Spiritus quidem promptus est, caro uero infirma. Et iterum abiens orauit eundem sermonē dicens: Et reuersus, denuo inuenit eos dormiētes (erant enim oculi eorum grauati) & ignorabant quid responderēt ei. Et uenit tertio, & ait illis: Dormite iam & requiescite. Sufficit, Venit hora, ecce filius hominis tradetur in manus peccatorum, Surgite, eamus. Ecce qui me tradet, propè est. Et adhuc eo loquente, uenit Iudas Iscariotes unus de duodecim, & cū eo turba multa cum gladijs & lignis, missi à summis sacerdotibus & scribis & senioribus. Dederat autē traditor eis signum, dicens: Quocūque osculatus fuero, ipse est, tenete eum, & ducite caute. Et cum uenisset, statim accedens ad eum, ait: Aue rabbi. & osculatus est eum. At illi manus iniecerunt in IESVM, & tenuerunt eum. ¶ Quod hic dominus dixisse narratur: Priusquam galilæus uocem bis dederit, ter me negaturus es: nihil aduersatur ei quod ait Matthæus

1. Corin. ii.

1. Corin. 5.

Ioan. 13.

84

- LUC. 22.** Antequā gallus cantet, ter me negabis: neque item Lucæ & Ioannis sententiæ, ut fã  
**IOAN. 18.** quoque in Matthæo cap. uigesimo sexto, numero 251. uisum est, ubi diximus istud  
 non de inceptiōe gallicinij, sed de finitiōe intelligendum esse. Et Marcus qui fuit  
 discipulus Petri, & eius iugis (ut aiunt) comes, & assecla, potuit facile (quod perueris  
 simile est) ex Petro didicisse dominum ipsi dixisse hæc uerba, aut quæ æque polleant  
 & idem significet: Priusquam gallus bis uocem dederit (id est cantauerit) ter me ne-  
 gabis: quod perinde est ac, Non absoluetur hac nocte gallicinium, siue non desinet  
 gallus canere, priusquam ter me negaueris. Quod & uerissimum, omnium euangeli-  
 starum testimonio, fuit. Addit autem ad Matthæum, iudā ubi dixisset turba: Quen-  
 cūque osculatus fuero, ipse est, tenete eum: adiecit, Et ducite caute. Quod perfidus  
 Iudas ideo dicebat, quod dominum aliās è manibus ipsum perdere uolentium (quis  
 enim dubitet?) elabi uiderat, ut cum uoluerunt eum lapidare, & cum uoluerūt eum  
**IOAN. 10.** de supercilio montis præcipitem dare. Fortè enim uerebatur, ne si non perduceretur  
**LUC. 4.** ad principes sacerdotum, quibus se traditurum illum pactus fuerat, iacturam faceret  
 triginta numerorum argenteorum, aut certè id aliquatenus sibi incōmodaret. O mise-  
 ra & summè damnabilis auaritia, quæ perditissimum Iudam obsequentem diabolo,  
 eiusq; ministris eò perpulit, ut studeret illis tam fidelis esse, ut dei quoq; filium trade-  
 ret, et timeret ne uirtus diuina impediret, ne fidē datā integre seruaret: quāuis perfī  
 dissimam, & quæ omnē etiā quæ unquā fuit, quæ ue futura sit, uincebat infidelitatē.  
 Cætera ut in Matthæo cap. uigesimo sexto, numero 256. intelligenda sunt. Deinde  
 subdit Marcus de uno apostolorū, qui educto gladio amputauit auriculā cuidā seruo  
**85** » summi pontificis, dicens. ¶ Unus autem quidam de circūstantibus, educens gladiū  
 » percussit seruum summi sacerdotis, & amputauit illi auriculam. Et respondēs IESVS,  
 » ait illis: Tanquam ad latronem existis cum gladijs & lignis, cōprehendere me: Quoti-  
 » die erā apud uos in templo docens, & non me tenuistis. Sed ut impleantur scripturæ.  
 » Tunc discipuli eius relinquentes eū, omnes fugerūt. Adolescens autē quidam seque-  
 » batur eum amictus sindone super nudo, & tenuerūt eum. At ille reiecta sindone, nu-  
 » dus profugit ab eis. ¶ Is qui eduxit gladium, & percussit seruum summi pontificis,  
**IOAN. 18.** ex Ioanne fuit Petrus. Sed inquires: cum Marcus fuerit contubernalis Petro, cur non  
 aperte scripsit, Petrū eū fuisse, qui gladiū eduxit, cum et alio qui id ex Petro nosse ma-  
 nifeste potuerit: Certū est ita uisum fuisse spiritui sancto, & uerissimile Petrū nō dixisse  
 se Marco se eduxisse gladium, sed quendam ex circūstantibus: ne se animosiorē cæ-  
 teris apostolis predicando, uideretur sibi arrogare gloriam: & eam quidē inanem &  
 uanam. Neque decebat Petrum id de se narrare, sed potius quod dominū ter negas-  
 set ante finitum gallicinium. Et id quidem ad suam cōfusiōnē, ac uerius humiliatio-  
 nis confessiōem ante deum, & ad dicti ueridici domini sui approbationem. Porro  
 hæc particula, Sed ut impleantur scripturæ, concisa est: quasi diceret dominus, cu-  
 ius uerba sunt hæc: Sed ita factum est, fieri ue oportuit, ut impleantur scripturæ: ut  
 & hæc particula capite sequenti, numero 90. posita. Et cum ascendisset turba, cœ-  
 pit rogare sicut semper faciebat illis. quæ sic intelligenda est: Turba cœpit rogare ut  
 Pilatus faceret sicut semper faciebat, sicut facere consueuerat illis. Et hic modus lo-  
 quendi apud Hebræos haud infrequens est. Cæterum de scripturis, quæ tunc erant  
**Exod. 12.** implendæ, hæc esse uidetur, sed in figura. Et edent carnes nocte illa. Et subdit: Sic autē  
 comedetis illū: Renes uestros accingetis, & calceamēta habebitis in pedibus, tenētes  
 baculū in manibus, & comedetis festināter. Nō tenuerūt autē eū in tēplo, quia nō erat  
**Psal. 40.** locus pditionis, & dispergendarū ouiu. at utrūq; fieri oportebat, sicut scriptū est: Qui  
**Zach. 13.** spergēt oues. quorū hoc de undecim apostolis: illud uero de Iuda proditore intelligit.  
 nā Iudas cū traderet eū, ait: Aue rabbi, & osculatus est eū, & paulo post cæteri discipuli  
 eius, relin-

eius, relinquentes eum, omnes fugerunt: sicut & de illis, ut iam uisum est, scriptum erat. Sed adijcit Marcus, quod non habet Matthæus, de adolescentulo, qui inuolutus linteo, cum alioqui toto corpore esset nudus, sequebatur eum: quem ministri Satanæ, aut certe qui è cœtu iuniores erant, putantes eum aliquem è necessarijs illius esse, tenuerunt. At ille reiecto linteo, è manibus eorum elabens, nudus aufugit ab eis: in pernicipitate pedum salutis suæ præsidium collocans. Hunc autem quidam, sed nulla (ut autumno) ratione fuisse Ioannem euangelistam putauere: quod & minus uerisimile esse in libello de Anna aliquando disseruimus. Tum quod Ioannes non esset adolescens, sed paulo inferior ætate CHRISTO: tum quod fugerat cum cæteris, quod etiã hic ait Marcus: Relinquentes (inquit) eum, omnes fugerunt. Præterea ut erat in mensa, cum Petro & Iacobo accitus à domino, astitit ei in horto. At quis putet eum amictum linteo, & alioqui toto corpore nudum, cœnæ domini interfuisse? Et quàm ridiculi sunt, qui aiunt tunc eum sic, id est reiecta sindone, nudum ad uirginem profugisse? Quem ergo putabimus hunc fuisse adolescentem? Cur non, & multo quidem rationabilius, quendam è pago Gethsemani, aut è uicina domo, in cuius spaciolo horto erat dominus cum discipulis suis: quos aliquãdiu, dum oraret, ad iactum lapidis reliquerat? qui cum in stratu iaceret, tumultu facto excitus, è stratu profilierat accepto linteo, & sequebatur cupiens rescire quid hoc rei esset: qui ubi manum satellitis aut aliorum adolescentum sensisset, relicto linteo, nudus ad stratum suum cum magno metu recurrit: & quod reliquum fuit noctis, forte sine linteo (reiecta enim sindone, nudus aufugit ab eis) sed non sine tremore peregit. Hoc enim non uero absimile uidetur. Satis quoque erat, si non etiã supra quàm satis, Ioannem semel cum cæteris apostolis dominum suum reliquisse. Adhæc, ubi tam promptum recepisset indumentum, ut statim integre uestitus dominum in domum Annæ assequi ualuisset? Cætera ijs quæ Matthæus tangit capite uigesimo sexto, numero 257, communia sunt. Deinde subdit Marcus, ad quos in Hierusalem ministri Satanæ adduxerunt dominum, dicens. ¶ Et adduxerunt IESVM ad summum sacerdotem, & conuenerunt omnes sacerdotes & Scribæ & seniores. Petrus autem à longe secutus est eum usque in atrium summi sacerdotis, & sedebat cum ministris ad ignem, & calefaciebat se. Summi uero sacerdotes, & omne conciliū quærebant aduersus IESVM testimonium, ut eum morti traderent: nec inueniebant. Multi autem testimonium falsum dicebant aduersus eum, & conuenientia testimonia non erant. Et quidam surgentes, falsum testimonium ferebant aduersus eum, dicentes: quoniam nos audiuimus eum dicentem: Ego dissoluam templum hoc manu factum, & post triduum aliud non manufactum ædificabo. Et non erat conueniens testimonium illorum. Exurgens autem summus sacerdos in medium, interrogauit IESVM, dicens: Non respondes quicquam ad ea quæ tibi obijciuntur ab his? Ille autem tacebat, & nihil respondit. Rursum summus sacerdos interrogabat eum, & dixit ei: Tu es CHRISTVS filius dei benedicti? IESVS autem dixit illi: Ego sum: Et uidebitis filium hominis sedentem à dextris uirtutis dei, & uenientem cum nubibus cœli. Summus autem sacerdos scindens uestimenta sua, ait: Quid adhuc desyderamus testes? Audistis blasphemiam. Quid uobis uidetur? ¶ Hic summus sacerdos ex Matthæo & alijs euangelistis, erat Caiphas. Nam quanquam dominus ex Ioanne prius ad Annam ductus est (qui quidem & si ex Ioanne esset pontifex, apud quem & domino dictum est: Sic respondes pontifici? at non erat anni illius summus pontifex: sed focer summi pontificis anni illius Caiphæ, qui eius filiam duxerat uxorem) Matthæus tamen & Marcus adductionem illam ad Annam omiserunt. Et quæ hic dicuntur, omnia similes cum Matthæo cap. 26. numeris ducentesimo quinquagesimo octauo, & aliquot sequentibus, habent intelligentiã. Subdit Marcus quomodo audita summi sacerdotis malignitate, mentis filium dei, qui gloria est patris, in deum blasphemasse,

86

Ioan. 18.

- 87 » & nō amplius opus esse testibus: omnes condēnauerūt eum esse reum mortis: & qui-  
 » dam uarijs eum affecerunt opprobrijs, dicens. ¶ Qui omnes condēnauerunt eum  
 » esse reum mortis. Et cœperunt quidam conspuere eum, & uelare faciem eius, & cola-  
 » phis eum cœdere, & dicere ei: Prophetiza. Et ministri alapis eum cœdebant. ¶ Qui om-  
 » nnes, scilicet summi sacerdotes, & omne concilium quod cōgregatum fuerat. Non  
 ergo intellige hoc ad turbam, quæ dominū adduxerat, referri. Sed quod adijcitur de  
 foeda sputorum iniectioe, quibus sanctam faciem cōspurcauerunt, in quam desyderāt  
 angeli prospicere: de uelatione, de colaphis & alapis: hoc ad parasitos illorum spectat,  
 quibus ut sanaticis quibusdam satellitibus summus sacerdos, & qui concilio aderant,  
 erant cōstipati, ut summus tenebrarum princeps suis furijs ac eumenidibus. Porro ex  
 testimonijs non poterant condēnare eum esse reum mortis: quia nullum ex lege ui-  
 debatur habere sufficientem ad hoc faciendum, prætextum. At blasphemia in deum,  
 cōdēnationi dubio procul erat obnoxia, ex Leuitici 24. ubi dicitur: Homo qui ma-  
 ledixerit deo suo, portabit peccatū suum. Et qui blasphemauerit nomen domini, mor-  
 te moriatur. Quare simul ac dominus dixit se esse CHRISTVM: & quod uisuri essent  
 filium hominis sedētem à dextris uirtutis dei, & uenientem cum nubibus cœli, quod  
 uerissimum erat: cōcilium Satanae dixit, quod blasphemauit, & in ipsum quidem de-  
 um. Verum non ille, sed ipsi in deum blasphemauerūt: ut de eis scribit Esaias: Væ gen-  
 ti peccatrici, populo graui iniquitate, semini nequam, filijs sceleratis: dereliquerūt do-  
 minum, blasphemauerunt sanctum Israël, ab alienati sunt retrorsum. Et alibi: Væ, qui  
 dicitis malum bonum, & bonum malum: ponentes tenebras lucem, & lucem tene-  
 bras: ponentes amarum in dulce, & dulce in amarum. Et subdit: Abiecerunt enim le-  
 gem domini exercituum, & eloquium sancti Israël blasphemauerunt. Quod nimirū  
 uel maxime admiserūt, cum dixerunt: Blasphemauit, au distis blasphemiam? Quæ autē  
 hic tractantur, ijs quæ Matthæus habet capite uigesimo sexto, numero 262. commu-  
 nia sunt. Deinde prædictionē domini ueram ostendens Marcus, aperit quo pacto Pe-  
 trus antequam gallus bis cantasset, ter dominum negauerit, dicēs. ¶ Et cum esset Pe-  
 trus in atrio deorsum, uenit una ex ancillis summi sacerdotis. Et cum uidisset Petrum  
 calefacientem se, aspiciens illum, ait: Et tu cum IESU Nazareno eras. At ille negauit,  
 dicēs: Neque scio, neque noui quid dicas. Et exiit foras ante atrium, & gallus cantauit.  
 Rursus autem cum uidisset illum ancilla, cœpit dicere ei cūstantibus: quia hic ex illis  
 est. At ille iterum negauit. Et post pusillum, rursus qui astabant, dicebant Petro: Verē  
 ex illis es: nam & Galilæus es. Ille autem cœpit anathematizare & iurare, quia nescio  
 hominē istum quem dicitis. Et statim gallus iterum cantauit. Et recordatus est Petrus  
 uerbi quod dixerat ei IESVS: Priusquam Gallus cantet bis, ter me negabis. Et cœpit  
 flere. ¶ De trina negatione Petri haud aliter loquitur atq; Matthæus ca. uigesimo se-  
 xto, numero 263. nisi quod addit post primam negationem, Petro ianuam atrij egres-  
 so, gallum semel cantasse: deinde, ubi Petrus secundo & tertio negauit, statim iterū  
 gallum cantasse. Et audito secundo gallicinio, Petrum recordatum fuisse ueridici uer-  
 bi IESU, quod dixerat: Priusquam gallus cantet bis, ter me negabis: & tum quoque  
 eundem cœpisse flere, & etiā amare ex Matthæo. Imitantes ergo Petrum, quoties  
 infinitam dei bonitatem offendisse recordamur, prorumpamus in fletum, & si possu-  
 mus, etiā amarū: non tā miseriam nostram, quā dei offensam deplorantes: exciter  
 dei intuitus lachrymas, non nostri: & per totam uitā nostrā quotiescūq; meminimus,  
 pœnitudinē ducamur. Et cum Petro assequemur ueniam ab eo qui Petrum respe-  
 xit, qui ueram dat pœnitentiā, qui solus peccata remittit: sic enim paratis, dispositisq;  
 remissionē immittit, suamq; indes infundit adaugetq; gratiā. Per quem, & cum quo  
 summo patri æterno in spiritu sancto honor, gloria, & potestas in omnia seculorum  
 secula. Amen.